

海甯王孟英著

潛齋醫書五種

醫案

溫熱經緯

霍亂論

續醫案

飲食譜

發行所英界棋盤街

上海錦章圖書局石印

印刷所法界白爾路

序

才不足以包乎所業之外則其業不精心不足以周乎所業之中則其業亦不精君之射療之丸張旭之草書蘭子之舞劍其人皆負不可一世之才而俯首降心於一藝之微研窮玩索不能自已迨其業之既成而天下莫能尚況乎醫之為道參天人之奧操性命之權其理至深其責至重而世顧以無才無識之人挾不專不精之術貿貿施治絕人長年宜乎古人有學醫人費之慨也余自束髮受書篤嗜軒岐之學以家貧無力致書所蓄者靈素而外立齋景岳諸種而已觀其援引之繁當議論之辨博竊以為道在於是而按法施治輒為所困嗣得西昌喻氏之書伏而誦之始有以識夫病情之蓄變方劑之準繩與夫寒暑陰陽之變化其才大而學博識高而法靈有非薛張諸公所能髣髴者然而尚論一編猶龍三綱之謬春溫一論混入傷寒之中白璧微瑕不能不為此老惜也歲在己巳服官江右廣搜百氏之書如葉天士之高超尤在涇之切實王晉三之精奧張路玉之明達以及吳又可徐洵溪柯韻柏陳修園諸君子罔弗各具精心獨抒偉論靈蘭之秘闡發靡遺然而宗古訓者矩矱勿失而不免於附會穿鑿妙悟者化裁生心而或涉於支離背謬夫醫至於愈病而已偏執一途而故持高論縱名理湛深與病情無與也偶於坊間得武林王君孟英所著霍亂論一帙其理明其詞達指陳病機判然若黑白之不可混淆以為飼鶴山人之流亞私心竊向往之己酉冬余室人患疾飲脇痛屢藥弗痊漸即沉困適孟英來撫之金谿視吳侯齋查之疾亟走伴相邀惴惴然恐不得一當乃孟英惠然肯來投藥五劑而大效並出初刊醫案回春錄見示因縱談古今之同異百家之得失滔滔滾滾折衷悉當始知霍亂一論不過孟英一端之緒餘而又竊幸余向之私心傾慕者為不誣也詢其近案積有數卷乃張柳吟趙菊齋諸君子所輯定而題其篇曰仁術志余取而讀之喜其崇論閎議足為世法因易其名曰王氏醫案與回春錄合為一編而附霍亂論於後并謬加評點付諸攻木之工以傳其傳蓋醫者生人之術也醫而無術則不足以生人醫而誤用其術則不惟不足以生人而其弊反至於殺人夫醫雖至庸未有忍於殺人者也而才不足以應紛紜之變學不足以窮古今之宜識不足以定真偽之幻則其術不精斯曰殺人而不自知故為醫而無才無學無識不可也為醫而恃才恃學恃識亦不可也必也平心以察之虛心以應之庶乎其可也夫古人因病而生法因法而成方理勢自然本非神妙惟用之而當斯神妙矣今才如孟英學如孟英識力精超如孟英而每臨一證息心靜氣曲證旁參務有以究乎病情之真而後已宜乎出奇制勝變化無方著之醫案卓卓可傳如是也余讀孟英之書於數年以前以為迢迢二千里山遙水阻必無相見之期乃吳君病而孟英來孟英來而余室適病宛轉牽引卒使數年來望風相思之友把袂盤桓傾吐肝膈極於遇合之奇夙世因緣諒非淺鮮子孟勉乎哉異日者擷眾籍之精華訂羣言之謬偽刪繁提要勒為一書以保全天下萬世之民命厥功其

三
而為力亦甚艱天末故人所企望於良友者詎止斯醫案一編而已耶
道光三十年歲次庚戌知宜黃縣事楊昭藜書於吟香書室

序

予友王君孟英少年失怙其尊人彌留之際執孟英手而囑曰人生天地之間必期有用於世汝識斯言吾無憾矣孟英泣拜而銘諸心版然自顧家貧性介不能為利達之人將何以為世用耶聞先哲有不為良相則為良醫之語因自顏其室曰潛齋而銳志於軒岐之學潛心研究遂挾其微年未冠游長山即納交於余每見其治病之奇若有天授而視疾之暇恒手一編不輟也繼瞻其齋頭一聯云讀書明理好學虛心可見苦志力學蘊之胸中者淵深莫測乃能窮理盡性出之指下者神妙難言三十年來活人無算豈非以用世之才運其濟世之術而可垂諸後世者哉予耳目所及之妙法仿丁長孺刻仲瀉案之例錄而付梓名曰回春錄見聞有限遺美極多世之君子必有如莊歛之華岫雲其人者更為之遠搜博采以廣其傳而予糠粃在前有榮施矣

道光二十三年癸卯冬十二月愚弟周

鏞拜題

例言

一所錄皆二十年來見聞所及詳載字姓歷歷可徵間有逸其名氏者偶忘之耳

一淺易之證尋常治法所能療者概不泛錄

一難辨之證誤藥即成危候而初病乃能洞燭遽爾霍然雖若無奇不可不錄後學尚能留意庶免以藥釀病之事

一病有虛實寒熱治分補瀉溫涼更有補瀉互投之法寒熱並用之宜者以標本異情證因錯雜也此錄諸案具備法無偏倚不媿代之良工矣

一六氣皆從火化凡外感之邪雖傷寒必以顧陰為主況溫熱暑燥之病更多於傷寒而熱之灼陰尤為勢所必然耶觀案中治感多以涼潤清解為法是參天人一致之理以談醫非泥古耳食之徒所能窺測也

一孟英可傳之案何僅止此惜予未能窮搜廣討也凡荷其再造之人不妨陸續補刊以推廣仁術而嘉惠來茲匪惟忠厚當即

是心存濟世故不以上下分帙而以卷一卷二為次蓋欲卷數之遞增無已耳

一案中辨症固多發人之未發他如論阿片之燥烈傷津豬肉之柔潤充液之類尤為有功於世是不僅其藥治愈某病之案讀者須加咀嚼勿囫圇吞下也

一孟英雖用藥極平淡而治病多奇中故其辨症處方同道莫不折服茲所錄案已見一斑附承玉芝丸數方藥易功優更徵立法之善至爛喉痧方雖從金匱翼錄出而孟英命其名曰錫類蓋且聞授其方於莊芝階金應谷兩中翰修合濟人救全不少凡屬外淫喉患無不應手而瘳不特爛喉痧藉以為神丹也敢不附載以廣其傳乎

王氏醫案卷一 原名回春錄

杭州王士雄孟英著

同郡周 鏞光遠輯錄

乾嘉字溫
同陽氣若
併此不得
則令壯厲
之以氣可
愈卒之變

予每以此
法治陽症
瘡毒不
應手或
真妙方也

陰本甫氏

元參能滋
水以制火
厚取效倍
捷

甲申夏予於登廁時忽然體冷汗出氣怯神疲孟英視之曰陽氣欲脫也倉卒不及得藥適有三年玄甲薑一塊約重四五錢急煎而灌之即安後用培補藥率以參耆木草為主蓋氣分偏虛也

范慶年踰五十素患痰嗽乙酉秋在發驟然吐血勢頗可危孟英診曰氣虛而血無統攝也雖曰來咳喘陰虛陰虛藥切不可服然非格陽吐血附桂更為禁劑乃以潞參者木苓草山藥扁豆橘皮木瓜酒炒芍藥為方五帖而安繼以甘草木亦加熟地黃黃連皮

膠紫石英麥冬五味子龍骨牡蠣熬膏服之全愈亦不復發後范旋里數年以他疾終

丙戌春倉夫鄭德順患急證時已二更馬孟英視之見其扞床拉席口不能言惟以兩手指心抓舌而已孟英曰中毒也取綠豆二升急火煎清湯澄冷灌之果即霍然詰朝詢其故始言久患臂痛因餌草頭藥下嚥後即心悶不可耐舌麻不能言而旁人不知也錄此足以徵孟英臨症之燭照如神亦可見草藥之不可輕試也

發人羅元奎于亥夏卒發寒熱旋即嘔吐不能立自言脘間痛不可當孟英視其痛處焮赤腫硬形如肥皂英橫梗於毛際之左乃

曰此症頗惡然乘初起可一擊去之也用金銀花六兩生甘草一兩皂角刺五錢水煎和酒服之一劑減其勢再劑病若失愈年患傷寒孟英切脈虛細已極曰此不可徒攻其病者以陰分太虧耳與景岳法以熟地當歸酒炒白芍炙甘草橘皮柴胡等藥劑而瘳

予素患噫氣凡體稍不適其病即至既響且多勢不可遏戊子冬發之最甚苦不可言孟英曰此陽氣式微而濁陰上逆也先服理中湯一劑隨以旋覆代赭湯投之遂愈嗣後每發如法服之輒效後來發亦極輕今已不甚發矣予聞孟英常云此仲聖妙方約極

平淡余世人畏不敢用殊可哂也

有患虛火炎者面赤常如飲酒之態孟英主一味元參湯其效若神而屢試皆驗

夥人葉殿和庚寅秋患感冒日汗出皆醫皆束手乃甥余嚴垣洩孟英勸之曰此真陰素虧過服升散與仲聖誤發少陰汗例

同例下竭則上厥豈得引亡陽為比而以附桂速其斃耶以元參地黃知母甘草白芍黃連茯苓小麥蘗板蜜甲牡蠣膠皮膠為大

劑投之得愈

海陽趙子升辛卯夏病瘧急延孟英視之曰暑熱為患耳不可膠于於小柴胡也與白虎湯一啜而瘳甲午秋范麗門患溫瘧孟英

用白虎湯加桂枝以痊之丙申夏盛少雲病濕熱瘧要藥以白虎加蒼朮湯而安己亥夏子舅母患瘧服柴胡藥三帖後汗出昏

王氏醫案卷一 原名回春錄 上海錦章圖書局印行

妙論不獨
治暑為然
凡上而不
下之證皆
可類推

厥妄語遺溺或謂其體質素弱慮有脫變勸服獨參湯幸表弟壽者不敢遽進乃邀孟英商焉切其脈洪大滑數曰陽明暑瘧也與傷寒三陽合病同符與竹葉石膏湯兩劑而瘳庚子夏滇人黃肖農自福清赴都道出武林患暑瘧孟英推白虎湯加西洋參數帖始愈辛丑秋顧味玉堂人病瘧瘧孟英亦主是方而效壯之階中翰張安人年逾花甲瘧熱甚熾孟英審視再四亦與竹葉石膏湯而安聞者無不驚異予謂如此數證體分南北皆有壯衰治法非識症之明焉能藥與病相當而用皆適宜哉

壬辰八月范蔚然患感旬餘諸醫束手乃弟麗門懇孟英治之見其氣促音微呢忒自汗飲水下嚥隨即傾吐無餘曰伏暑在肺必由溫散以致劇也蓋肺氣受病治節不行一身之氣皆失其順降之機即水精四布亦賴清肅之權以主之氣即逆而上奔水亦泛而上溢矣但清其肺則諸恙自安乃閱前服諸方始則柴葛羌防以升提之火藉風威吐逆不已猶謂其胃中有寒也改用桂枝乾薑以溫燥之火上添油肺津欲絕自然氣促音微疑其虛陽將脫也徑與參歸蛤蚧柿蒂丁香以補而納之愈補愈逆邪愈不出欲其愈也難矣亟屏前藥以瀉白散合清燥救肺湯數服而平

一何叟年近八旬冬月傷風有面赤氣逆煩躁不安之象孟英曰此喻氏所論傷風亦有戴陽證也不可藐視以東洋人參細辛炙甘草熟附片白朮芍藥苓乾薑五味胡桃肉細茶葱白一劑而瘳孟英曰此真陽素擾痰飲內動衛陽不固風邪外入有根蒂欲拔之虞誤投表散一汗亡陽故以真武四逆諸法回陽鎮陰攘外安內以為劑也不可輕試於人致干操刃之辜慎之慎之

癸巳秋予在發患瘧大為醫人所誤初則表散繼則滋補延及月餘肌肉盡削寒熱不休且善嘔惡食溺亦畏冷乃買棹旋杭託孟英診視曰足太陰濕瘧也以金不換正氣散三服而安然元氣為誤藥所傷多方調補甫得康健次年秋復患瘧於發友人咸舉醫療予概却之憤病情頗前無異即於篋中檢得孟英原方按序三帖病亦霍然聞者無不稱歎後歸里為孟英述而謝之孟英曰瘧情如是恐其按年而作乃授崇土勝濕丸方明年夏令預服以堵禦之迄秋果無恙後竟不發矣

鍾耀輝年踰花甲在都患腫起自腎囊氣逆便溏諸治不效急買車返杭託所親謝金堂邀孟英治之切其脈微而弱詢其濕清且長曰都中所服其五苓八正耶抑腎氣五皮也鍾云誠如君言偏嘗之矣而病反日劇者何哉孟英曰此土虛不制水也通利無功滋陰亦謬法宜補土勝濕與大劑參朮果即向安越八載以他疾終

金元章媳於甲午新寡後患腰痠脊大抵濕熱之病耳瘍醫連其疑為遺毒意作廣瘡瘡漸至上吐下利不進飲食另從內科治亦無寸效延至未春重兼腹痛自汗汗涎肌削諸醫皆見而却走矣王仲安薦孟英視之曰此胃氣為苦寒所敗肝陽為辛熱所煽前此每服陽剛即如昏冒稍投滋膩泄瀉必增遂謂不治之證未免輕棄乃以四君子加左金椒梅蓮子木瓜餘糧石脂等出入為方

娠孕之脈
最為難遇
有初脈即
現於脈者
有三月者
始於不現
於脈者此
與過脈斷
證有時可
憑過同一
至理予嘗
以此質之
孟英孟英
亦以為然
問人必堅
持虛言以
眩世也

百日而愈第信猶未轉也諸親友環議再不通經病必有變孟英力辨此非經阻可通之證惟有培養生化之源使其氣旺血生則流行自裕若不揣其本而齊其末則龍糠不能榨油徒傷正氣盡廢前功豈不可惜眾議始息恪守其方服至仲冬癸至而肌肉充康復如常矣

朱某患嘔吐諸藥不效甚至大小便秘糞從口出臭不可當自問不起矣孟英用代赭旋覆湯加蜆蜷蟲服之而愈

孟英遠於醫學從不侈談脈理足以見其欲然不自足也而脈理之最不易切者莫如妊娠予聞孟英於乙未春診黃履吉室人之

脈曰妊也是月天癸猶來人皆不以為然次月仍轉但不多耳復邀孟英診之曰果妊也況不斷者養胎之血有餘耳踰月汎復行

覺更少矣人猶以為妄也四月後經始停娠亦顯婉如期人始服其見矣丙申夏滿洲某選幕東鹽場攜眷之任過浙主於年雲臺

家請孟英視其如君之恙孟英診曰非病也能罷入夢矣其頗不信謂經甫停何以遽斷為娠而又必其為男乎反生言過其實之

疑既而某延雲臺入幕偕赴尊任次年雲臺於家書中述及居停果得生子深歎孟英指妙予荆人久無孕年且秋汎事偶愆孟英

一診即以妊斷且以男許次夏果舉一子惜不育耳邵魚竹給諫仲媳懷妊孟英於寅春初診即許抱孫秋杪果應表弟胡壽者室

偶有小忿經事適少腹腰微脹自以為為怒氣所滯也延孟英調之切其脈曰懷麟矣初猶疑之既而始信卯春果弄璋吳金階室年

四十餘宣秋汎斷其腹日脹醫謂病也治之罔效近孟英診之孕也彼猶不自信及腹中漸動始服其言至期產一女癸秋孟英治

石誦義室腕痛甫愈適汎逾期即曰娠矣既而果日形著其指下之神妙如此

朱恒山久患胸痞多痰諸藥罔瘳孟英診曰清陽之氣不司旋運也與參者參水之劑豁然頓愈因極欽服後數年果以汗脫聞其

垂危之際口不能言猶以左手橫三指右手伸一指加於上作王字狀以示家人有會其意者急追王妻至而他醫之中風藥草灌

入矣遂以長逝癸卯冬至前一日管大中丞亦是氣從溺脫當以參附挽回者及孟英至而痰藥痧藥風藥灌之徧矣脈僅若蛛絲

過指孟英堅示與方須臾而卒

無棟張柳吟封翁於乙未夏偕令嗣恒齋刺史赴滇南任道出武林其家人鄭九者封翁寵人之弟也遂次抱恙抵杭日招越醫陳

六順診治服藥後汗出昏狂精流欲脫封翁大駭躬詣孟英以希挽救孟英切其脈既數且亂沉取極細乃語封翁曰此證頗危生

機僅存一綫亦斯人之陰分素虧不可竟謂附桂之罪也封翁聞言大悅曰長者也不斥前手之非以自伐不以見證之險而要譽

相見恨晚遂訂忘年之交彼此盡吐生平始知封翁最喜談醫岐黃之書無所不覽惟不肯為人勸病亦慎重之意耳於是孟英以

元參知柏桑枝龍牡生地白芍甘草百合石斛梔子鹽水炒淡豆豉為大劑灌之下嚥即安次日去梔豉甘草加龜板鼈甲鹽水炒

元參知柏桑枝龍牡生地白芍甘草百合石斛梔子鹽水炒淡豆豉為大劑灌之下嚥即安次日去梔豉甘草加龜板鼈甲鹽水炒

橘紅十餘帖而康

吳復齋令妹稟質素弱幼時鳳山診之許其不秀癸巳失其怙恃情懷悵悵凡事漸愆寢食皆廢肌瘦舌酸勢極可畏王英以高麗參鹽水炒黃連甘草小麥紅棗百合茯苓牡蠣白芍旋覆花新絳等治之各恙漸已繼參歸地滋陰康強克勝於昔

一男子患喉痺專科治之甫愈而通身腫勢日甚醫者驚走孟英診之曰病藥也投附子理中湯數劑而痊予謂喉痺治以寒涼法原不謬而藥過於病翻成溫補之症是病於藥也非病於病也嘗聞孟英云病於病而死者十之三病於藥而死者十之七以予觀之誠非激論也吁可歎已

朱氏婦產後惡露不行而宿痔煩發專是科者不能下手王英以丹參桃仁貝母茯苓滑石花粉桂枝通草蛤殼汶仁紫苑山查綠瓜子羌藁射干旋覆琥珀出入為方三日而愈

局醫黃秀元之輿人韓名諒者有兒婦重身患熱病局中諸醫皆慮胎墮率以補血為方旬日後勢已垂危浼人求孟英診之曰胎早腐矣宜急下之或可冀幸若欲保胎則吾不知也其家力懇疏方遂以調胃承氣合犀角地黃湯加西洋參麥冬知母石斛牛膝投之胎落果已臭爛而神氣即清熱亦漸緩次與西洋參元參生地知母麥冬丹參丹皮茯苓山查石斛豆豉羌藁琥珀等藥調之粥食日加旬餘而愈

一少年購遺精數日後形肉大脫連服滋陰固精之藥如石投石孟英與桂枝湯加參耆龍牡服下即效匝月而瘳

家叔南山於秋間患感冒治日劇漸至神昏譫妄肢振動惕施泰兩醫皆謂元虛欲脫議投峻補宏慈聞而疑之曰孟與孟英商之孟英診曰無恐也通絡蠲痰可以即愈用石菖蒲羚羊角綠瓜絡冬瓜子苡仁桑枝旋覆橘絡慈贛貝母勾藤膽星為劑化服萬氏牛黃清心丸一顆覆杯即安調理半月而愈

美政關毛內使年逾花甲而患喘嗽醫與腎氣湯全鹿丸等藥反致小溲澹痛病日以劇孟英診之與純陰壯水之治毛曰我輩向吃阿片烟豈敢服此涼藥孟英曰此齊東之野語也誤盡天下蒼生幸汝一問吾當為世人道破機關不致誤墮火坑者再為積薪肥油之舉也夫阿片本罌粟花之脂液性味溫潤而又產於南夷之熱地煎曬以成土熬煎而為膏吸其烟時還須火煉燥熱毒烈不亞於砒久吸之令人枯槁豈非燥烈傷陰之明驗哉毛極拜服果得霍然或問曰阿片之性殆與酒相近乎王英曰罌粟之性雖熱然人飲之則質仍化水故陰虛者飲之則傷陰陽虛者飲之則傷陽景岳論之詳矣若阿片雖具水土之質而性從火變且人吃之則質化為烟純乎火之氣誠直行清道燥人津液故吃烟之後口必作喝久吸則津液枯竭精血源窮而宗筋失潤人因見其陽

孟英善用
甘寒投之
此症尤宜

痿也不察其所以痿之故遂指阿片為性冷之物抑又何耶凡吸阿片烟而醉者以陳醬少許瀉湯服即醒若熱烟時少著以鹽即

渙散不凝膏吸時舌上預舐以鹽則不成癮雖癮深者但令舐鹽而吸則癮自斷豈非潤下之精能制炎上之毒乎

金元章年踰七旬久患疝厥每病於冬以為寒也服熱藥而暫愈終不能霍然孟英診曰脾腎雖寒肝陽內盛徒服剛烈焉能中肯

以參朮枸杞從容當當歸羌活鹿角霜桂枝茯苓棟實黃連吳萸橘核等藥為方服之今數年無恙矣

丙申春蜀人石符生將赴鄧雲崖司馬之招經杭抱病僑於張柳吟之舊館亦為異側陳六順治困居停主人知之即告以柳吟僅

病之事石聞之悚然亟遣人延孟英診焉脈沉而澀滯糊糊不分至數肢涼畏冷涎沫上涌二便瀉少神氣不爽曰此逢次感風濕

之邪失於解散已從熱化再加溫補致氣機愈形窒塞邪熱漫無出路必致燠液成痰逆行而上但與舒展氣機則痰行熱降諸恙

自瘳矣以黃連黃芩枳實橘皮梔子淡豉桔梗杏仁貝母鬱金通草紫菀竹茹蘆根汁等約三服而起調理匝旬遂愈

夏間王某患感越醫謝樹金治之病雖退而能食矣但不能起生類乎癰瘰延已月餘人皆謂其成癰所親鍾某克王英視之曰此

多服表散汗出過分氣血兩傷肢骸失其營養脈微而細舌亮無苔與大劑參耆歸朮熟地杜仲兔絲牛膝枸杞山藥木瓜芡肉萸

糖續斷桑枝數十帖而起

一勞力人陰分素虧驟感風濕兩膝刺痛癢重不能稍立孟英以六味地黃湯加獨活豆卷一劑知二劑已

張養之令正飲食如常而肌膚稍瘦信事如期而藥沒不恒兩腓發熱而別處仍和面色青黃而隱隱有黑氣儼似虛寒多藥不效

始逆孟英診之脈似虛細而沉分略形弦滑曰此陽明有餘而少陰不足上燥水涸仲聖有急下存陰之法然彼外感也有餘之邪

可以直瀉此內傷也無形之熱宜以甘寒義雖同而藥則異也贈以西洋參生地生白芍生石膏知柏苓梔麥冬花粉棟實丹皮木

通天冬諸品服至數斤黑氣退而肥漸充腓熱去而經亦調矣

姚氏婦產後昏譫汗厥肌膚浮腫醫投補虛破血祛瘀安神之藥皆不能治舉家惶怖轉延孟英診焉詢知惡露仍行曰此證醫家

必以為奇病其寔易愈也昔金尚陶先生曾治一人與此相似載於沈氏夫女科輯要中方用石菖蒲膽星旋覆花苓橘紅生貝類
名蠲飲六神湯凡產後惡露行而昏譫者多屬痰飲不可誤投攻補此湯最著神效如方服之良愈
牙行王炳華妻患舌瘡痛礙飲食內治外敷皆不效孟英視其舌色紅潤脈形空數曰此血虛火浮也以產後發熱例施之用熟地
當歸酒炒白芍炙甘草茯苓炮薑投之其病如失
一老人霍亂後目閉呃忒醫謂脫陷在即與桂附回陽之藥業已煎矣適孟英至詢知溺赤口乾診得脈形無數而藥香撲鼻即曰

語語精義
由此類推
可以知用
藥之權衡
矣

此藥中有肉桂。更勿服也。服之必死。迫令將藥傾潑。而與肅肺清胃之劑。果得漸安。丁酉中秋夜。牙行張鑑錄年踰花甲。卒仆於地。急延王英脈。弦滑而大。曰。痰氣食相併。而逆於上也。先以烏梅擦開牙關。橫一竹箸於口。灌以淡鹽薑湯。隨入鵝翎探之。探出痰食。太息一聲。而甦。次與調氣和中。而愈。後數年。以他疾終。此案雖無奇。而辨證之明。不可不錄。

姚樹庭以古稀之年。而患久瀉。羣醫雜治。罔效。余以為不起矣。延至季秋。邀孟英決行期之早晚。非敢望愈也。王英曰。絃象獨見於右關。按之極弱。乃土虛水賊也。調治得法。猶可引年。何以遽爾束手乎。乃出從前諸方閱之。皆主溫補升陽。曰。理原不肯義。則未盡耳。如薑附肉蔻骨脂之類。氣熱味辣。雖能溫臟。反助肝陽。肝愈強。則脾愈受戕。且辛走氣。而性能通泄。與脫者收之之義。大相刺謬。而鹿茸升氣。可治氣陷之瀉。而非斡旋樞機之品。至熟地味厚滋陰。更非土受木剋。脾失健行之所宜。縱如砂仁酒炒。終不能革其膩滑之性。方方用之。無怪乎愈服愈瀉。徒藉景岳窮必及腎。為口實也。與真功散加山藥扁豆蓮子烏梅木瓜芍藥。終難石脂餘糧服之。果效。恪守百日。竟得康強。越三載。以他疾終。

戊戌春。張雨農司馬。必欲孟英再越環山。孟英因其受病之深。且公事掣肘。心境不能泰然。誠非藥石之可以為力也。固辭不往。司馬泣然哀懇。但冀偕行。旋署則任君去。留可耳。并屬趙蘭舟。再四代陳曲悃。孟英感其情。同舟渡江。次荆溪。司馬譚及體氣羸懣。情形孟英忽曰。公其久不作嘔乎。司馬曰。誠然有年矣。此曷故也。王英曰。是陽氣之不宣布耳。古惟仲景論及之。然未立治法。今擬鄙方奉贈。博公一嘆。如何。司馬稱善。遂以高麗參乾薑五味石葛蒲酒炒。雞白生身橘皮紫苑桔梗甘草為劑。并行抵嶼。登陸取約煎而服之。駕輿以行。未及二十里。司馬命從人詣孟英車前報曰。已得嘔矣。其用藥之妙如此。

夏間。牙行倪懷周室。新產數日。泄瀉自汗。嘔吐不納。專科謂犯三禁。不敢肩任。孟英診脈虛微欲絕。證極可慮。宜急補之。遲不及矣。用東洋參耆朮龍牡酒炒白芍桑枝木瓜扁豆伏神橘皮紫石英黑大豆投之。四劑漸以向安。予謂新產後用參耆大補。而又當風夏之時。非有真知灼見者不能也。識以天下之病千變萬化。原無一定之治。奈耳食之徒。惟知執死方以治活病。豈非造孽無窮。亦何苦人人皆欲為醫。而自取罪戾耶。

張養之令侄女。患汎瀉。而飲食漸減。予某與通經藥服之。尤惡穀。請孟英診之。脈緩滑。曰。此痰氣凝滯。經隧不宣。病由安生。不勞法以豁痰流氣。勿投血藥。經自流通。予某聞而笑曰。其人從不吐痰。血有病而妄治其氣。脹病可立待也。及服孟英藥。果漸吐痰。而病遂愈。養之大為折服。予謂世人頭痛治頭。腳痛療腳。偶中而愈。貪為己功。誤藥而亡。究將奚白。此寓意章之所以首列議病之訓也。

清熱生津
治法固善
然亦此
本元堅固
故虛誤之
後猶能
回春則亦
難為力矣
滋陰清熱
力量甚大
此必本虛
標實者故
其方如此

孟英深得方於喻氏故其議病迥出凡流要知識見之超總由讀書而得雖然人存政舉未易言也

毛允之戌冬患感初治以溫散繼即以滋陰病日以劇延至亥春或疑為百日之癆或謂是傷寒壞證而鳳山僧主升榮者水以補之丁卯橋用輕粉巴霜以下之雜藥偏投形神日瘁乃尊學周延孟英視之脈來澀數上溢吭忒口膩雖覺嗜飲而水難下脘頻吐涎沫使秘溺赤潮熱往來少腹如烙按之亦不堅滿曰此病原屬冬溫治以表散則津液傷而熱乃熾繼以滋陰填熱邪愈熾再施溫補氣機更窒升榮者水欲升其清而反助其逆巴霜輕粉欲降其濁而盡劫其陰病及三月發熱不表表邪便秘旬餘結滯非關積滯且派澀為津液之已傷數是熱邪之留著蓋乃氣機為熱邪所壅而不得下行豈非溫邪未去得補而膠固難除徒使其內燠真陰上薰清道以致一身之氣盡失肅清之令法當搜剔餘邪使熱去津存即是培元之道伸其治節俾濁氣下趨乃為宣達之機何必執參茸為補虛指硝黃為通降哉以北沙參紫苑麥冬知母花粉蘭草石斛丹皮黃芩桑葉梔子黃連木通銀花橘皮竹茹蘆根橄欖枇杷葉地栗海蛇等出入為方服之各恙遞減糜粥漸加半月後始得大解而腹熱全消飲食亦安乃與滋陰善後而愈張養之所親李某戌冬醉飲夜歸為查段巡員所嚇神志即以漸昏治之罔效至於不避親疎裸衣笑罵力大無制冀獲不知已夏延孟英視之用石菖蒲遠志龍齒龜板犀角羚羊角元參丹麥知柏梔子龍胆草枳實黃連竹黃竹瀝石膏赭石黑鉛鐵落出入為方十餘帖吐瀉膠痰甚多繼與磁硃丸漸以向愈

一祝叟年近古稀已亥春赴席忽仆地痰涌肢強眼科舌蹇不語外科王瑞芝薦孟英視之投六君子加蝎梢於羊角胆星石菖蒲竹瀝薑汁而瘳

茅家埕有嘉潤患腰痠愈而後發者五年費用不貲諸瘍醫治之不效盛少雲囑其求治於孟英切其脈絃細以數曰子之幸也此內損證外科悉乎知與大劑甘潤滋填之藥西月而痊至今不發

胡琴泉舅氏家一潘姬年踰古稀患霍亂轉筋瀕危孟英用自制蠶矢湯而瘳

一少婦分晚胞水早破胎濕不能下俗謂之濕癰生催生藥遍試不應孟英令買鮮豬肉一二斤洗淨切大塊急火煎湯吹去浮油恣飲之即產母子皆生且云儲為水畜其肉最腴大補腎陰而生津液予嘗用治腎水枯涸之消渴陰虛陽越之喘嗽並著奇效仲聖治少陰咽痛用豬膚亦取其補陰虛而戢浮陽也後賢不察反指為有毒之物汪詒庵非之是矣惟外感初愈及虛寒滑瀉濕感生痰之症概不可食以其滋膩更甚於阿膠熟地龍眼也然豬以浙產者為良北豬不堪用吾杭燥肉鮮即豬皮為之可以致遠入藥尤為簡當不必泥於皮與膚之字面而穿鑿以誇考據也

秋初家慈猝仆於地急延孟英診之脈浮弦以滑用羚羊角胆星牡蠣石菖蒲丹參茯苓鉤藤桑葉貝母橘紅蘇藜等以順氣蠲痰息風降火而痊癸卯春前數日忽作欠伸而厥孟英切脈微弱而絛曰病雖與前相似而症則異矣以高麗參白朮何首烏山茱萸枸杞桑甚石斛牛膝痰藜橘紅牡蠣等鎮補攝納以療予謂此等症安危在呼吸之間觀前後卒仆數案可見其辨證之神雖古人不多讓況世俗之所謂醫乎家慈兩次類中予皆遠出微孟英吾將焉活感銘五內聊識數言惟願讀是書者體其濟世之心臨證得能如是將胥天下之沉痾而盡起矣

張養之弱冠失怙後即遺无妄之疾纏綿七載盡其貲財經百十三醫之手而病莫能愈因廣購岐黃家言靜心參考居然有瘳而痊然鼻已壞矣抱此不白之冤自慚形穢乃閉戶學書專工楷其志良可悼也孟英因與之交見其體怯面青易招外感夏月亦著複衣頻吐白沫詢知陽痿多年常服溫辛之藥孟英屢諫之而已亥九月間患惡寒頭痛自解溫散不效逆孟英診之脈極沉重按至骨則弦滑隱然卧曲房密帳之中爐火重裘尚覺不足以禦寒且涎沫仍吐毫不作渴胸腹無脹悶之苦咳嗽無斷輟之時惟大解堅燥小洩不多口氣極重耳乃謂曰此積熱深錮氣機鬱而不達非大苦寒以瀉之不可也養之初猶疑焉及見方案辨論滔滔乃大呼曰弟之死生係乎一家之命惟君憐而救之孟英慰之曰我不惑外顯之假象而直斷為實熱之內蘊者非揣度之見而確有脈證可憑但請放心靜養不必稍存疑畏及二三帖後病不略減諸友咸皆詆藥偏於峻究宜慎重服之有子某者揚言於其族黨曰養之之命送於孟英之手矣眾楚交吟舉家惶惑次日另延陳啟東醫俞某並診孟英聞之急詣病榻前謂曰兄非我知己也則任兄服誰之藥我不敢與聞也兄苟裕如也則任兄廣徵明哲我不敢撓阻也今兄貧士也與我至交也拮据資囊延來妙手果能洞識病情投劑必效則我亦當竭力從憑也第恐雖識是病而用藥斷不能如我之力專而劑大也葯未能確識是證而以無毀無譽多方應酬寒責則因循養患誰任其咎也或竟不識是病而開口言虛動手即補甘言悅耳兄必信之我不能坐觀成敗如秦人視越人之肥瘠也今俞某之方如是陳醫殊可却之速着人趕去辭絕留此一款以作藥資不無小補況連服苦寒病無增減是藥已對證不比平淡之劑誤投數帖尚不見害也實由熱伏深錮藥未及病今日再重用硝黃犀角冀煩邪蘊毒得以通泄下行則周身之氣機自然流布矣養之伏枕恭聽大為感悟如法服之越二日大便秘下如膠漆穢惡之氣達於戶外而畏寒即以遞減癯瘠日以加增旬日後舊恙始正百日後康健勝常嗣後雖嚴寒亦不甚畏冷偶有小恙輒服清潤之方陽道復興近添一女養之當頌於人曰孟英之手眼或可得而學也孟英之心地不可得而及也我之病奇病也孟英雖具明眼而無此種熱情勢必藥室道旁亂嘗藥餌不能有今日矣況不但有今日而十餘年深藏久服之病一旦掃除自覺精神勝昔可為後日之根基再生之德不亦哉

此是熱厥
伏於肺絡
故用約如

7328

孫午泉進士患哮喘多氣逆不能著枕服溫散滋納藥皆不效孟英與北沙參桂枝茯苓貝母花粉杏仁冬瓜仁綠瓜絲杷葉旋覆海石蛤殼等藥覆杯即臥數日而痊

石符生隨乃翁自蜀來浙同時患瘧者以小柴胡湯加薑桂投之不效即用四獸休瘧等法反致惡寒日甚穀食不進惟飲燒酒薑湯圍火榻前重裘厚覆胸腹痞悶喜以熱熨猶覺冷氣上衝頻吐粘稠痰沫延至臘初疲憊不堪始憶及丙申之恙訪孟英過診脈沉而滑數胎色黃膩不渴便澀溺赤曰是遂次所受之暑濕失於清解復以溫補之品從而附益之釀成痰飲壅遏三焦氣機為之阻塞所以喜得熱熨熱飲氣衝反覺如冰若不推測其所以然之故而但知聞問在切脈之先一聽氣冷喜熱無不以為真臟現獲孰知病機善幻理必合參以脈形兼證並究則其為真熱假寒自昭昭若揭矣與大劑苦寒之藥而以盧服湯煎漸服漸不寒痰漸少穀漸增斷用甘涼善後喬梓皆得安痊

王氏醫案卷二原名回春錄

庚子春戴氏婦產後惡露不多用山查益母草酒煎連服數日遂發熱自汗口渴不飢眩暈欲脫徹夜不眠孟英視之曰此稟屬陰虧血已隨胎而去雖惡露甚少但無脹痛之苦者不可妄投藥餌酒盡煎母山查不特傷陰且能散氣而汗泄口乾津液有立竭之勢即仲聖所謂無陽也蓋人身天真之氣謂之陽陽根於津陰化於液津液既奪則陽氣無根而眩暈陰血不生而無寐若補氣養陰則舍本求末氣血不能生津液也惟有澄源潔流使津液充而氣血自復庶可無憂以西洋參生黃耆龍骨牡蠣麥冬百合甘草麥冬生薑滋液生扁豆石斛木瓜桑葉麝投之一劑即安數日而愈後以滋填陰分服之乃健

王某久患吐血體極孱弱沈琴癰喘其子王愛治之服藥甫有小愈而酷暑之時陡患霍亂轉筋大汗如雨一息如絲孟英視曰陰血久奪暑氣鵠張吾霍亂論中之缺典也姑變法救之用北沙參杷葉龍牡木瓜扁豆苡仁滑石桑葉蠶砂石斛豆卷投之良愈調理每日仍服滋補以治宿恙越二載間服溫補藥致血暴涌而已

赤山埠李氏女素稟怯弱春間凡事不行脇腹聚氣如癰減餐肌削屢服溫通之藥至孟秋加以微寒壯熱醫仍作經閉治勢瀕於危乃母託伊表兄林豫堂措辦後事豫堂特請孟英一診以決之孟英切其脈時壯熱烙指汗出如雨其汗珠落於脰枕上微有粉紅色乃曰虛損是其本也今暑熱熾盛先當治其客邪庶可希冀疏白虎湯加西洋參元麥竹葉荷桿桑葉及何醫主一籌莫展聞孟英主白虎湯乃謂其母曰危險至此尚可服石膏乎且本草於石膏條下致戒云血虛胃弱者禁用豈彼未之知也豫堂毅然曰我主藥與其束手待斃盍從孟英死裏求生之路耶遂服二帖熱果退汗漸收改用甘涼清餘熱日以向安繼與調氣養營陰宿痼

王氏醫案

卷二

五

上海錦章圖書局印行

亦消。培補至仲冬汎至而痊。次年適孫鑣伯之弟。

張氏婦患氣機不舒似喘非喘似逆非逆似太息非太息似虛促非虛促似短非短似悶非悶面赤眩暈不飢不卧補虛清火行氣消痰服之不應孟英診之曰小恙耳旬日可安但須懲忿是嘔與黃芩黃連梔子棟實鼈甲羚羊角旋覆赭石海蛇地栗為大劑送當歸龍薈丸未及十日汎至其色如墨其病已若失後與養血和肝調理而康

牙行王炳華室有患臂痛孫某曰風也服參耆歸芍數帖臂稍愈而脫痛孫曰寒也加以附桂痛不止而漸覺疲多孫曰肝腎不足也重用熟地枸杞令其多服取效不料愈服愈劇漸至昏厥孫尚以為藥力之未到病體之久虛前方復為加重甚而時時發厥始請孟英診之脈沉而有絛滑且數之象乃謂炳華曰此由過投溫補引動肝風煽其津液為痰痰復乘風而上此暈厥之由來也餘波則奔流經絡四肢因而抽搐陽氣盡逆於上耳乎鼻塞面浮濁氣不能下達是以便滯不飢炳華曰神見也溫補藥服幾三月矣不知尚可救乎孟英曰勿疑吾藥猶有望焉遂與大劑甘寒息風化飲佐以涼苦泄熱清肝厥果漸止各志遺續兩月後康復如常予偶於舊書中檢得無名氏抄本一冊所錄多岐黃之言內一條云附桂回陽在一二帖之間萬一誤投害亦立至功過不掩其性之毒烈也概可見矣奈世人不知藥為治病而設徒以貪生畏死之念橫於胸中遂不暇顧及體之有病無病病之在表在裡但聞溫補之藥無不欣然樂從者樓梭之輩趨競存心知其死於溫補而無怨悔也乃衣鉢相傳不必察其體病脈證之千頭萬緒僅以溫補之品二十餘味相迭為用即成一媚世之方且託足金匱之門摹擬腎氣之變蓋知熟地之陰柔可轉附桂之剛猛誤投不致即敗偶中又可邀功包藏禍心文多飾詐何異新莽比周公子雲學孔聖誅人以其貌古人而口聖賢也多深信而不疑道積薪既厚突火頓然雖來爛額焦頭之客其不至於焚身者幸矣較彼猛浪之徒誤投純陽藥致人頃刻流血而死者其罪當加十等誅心之論救世之言知我罪我不遑計焉孟英見之拜讀千遍且曰勸漢學以欺世由來久矣徐靈胎之論無此透徹可與退之原道文並時當殺其姓字於仲景先師廟內建護聖祠以祝之予謂孟英如此稱許則其可傳也妄疑故附刊此案之後以證王氏婦溫補藥服及三月即所謂陰柔束縛剛猛之故致人受其愚而不覺者後之人可以鑑矣

莊半霞芝階中翰之三郎也聞後患感日作寒熱七八次神氣昏迷微斑隱隱醫者無策始迎孟英視之曰此平昔飲酒積熱深蘊挾感而發理從清解必誤投溫補以致熱勢披猖若是詢之果三場皆服參且旗棗子浸燒酒入關初病尚不至此因連服羌防薑桂漸以滋甚孟英曰是矣先以白虎湯三劑斑化而寒熱漸已繼用大苦寒之藥滿其積熱所下黑矢皆作棗子氣旬日後與甘潤滋濡之法兩月始得全愈